

福建叢書

第一輯

福建省文史研究館編

明·福清
葉向高撰

蒼霞草全集

(八)

福建叢書 第一輯之二

福建省文史研究館編

明·福清
葉向高撰

蒼霞草全集

(八)

江蘇廣陵古籍刻印社

明・福清
葉向高撰

蒼霞餘草

敘

余既刻有蒼霞集其後自
綸扉歸又有續草頃者謝事
檢篋中復得數十篇留之無
益焚之而意不能割乃稍汰
而存之名曰餘草已自念昔

人論文章為小技為枝葉為
敝帚今余草而續續而餘毋
乃贅乎客有語余曰昔王荊
公絕不喜蘇子瞻而亟稱其
文章以為似司馬遷今世人
惡子多矣然吾見一二士大

夫尚有以子為能文者子功
業既無聞若併此去之則終
于泯泯矣且子瞻罹謗觸忌
至以文字為罪罔一切毀棄

今子遇

寬大之朝筆札流傳猶然無恙

存之亦足以見一時遭逢之
幸庸何傷余曰君言辨矣顧
余非子瞻其人何敢言文姑
梓而藏之家述客言弁焉

福清葉向高書

蒼霞餘草總目

卷之一

碑

記

銘

卷之二

記

卷之三

序

卷之四

復餘草

序

卷之五

序

卷之六

序

卷之七

序

卷之八

傳

神道碑

墓碑

卷之九

墓誌銘

卷之十

墓誌銘

卷之十一

墓誌銘

卷之十二

墓誌銘

卷之十三

墓誌銘

墓表

壙誌

卷之十四

雜文

蒼霞餘草卷一目錄

中丞二太南公平紅夷碑

中丞王公靖寇碑

福寧州海防鄧公德政碑

司訓林君去思碑

崇安令闇生王侯去思碑

憲使卮瞻葛公頌德碑

福清縣新建橋塔記

共學書院記

重建聖蹟寺祝聖道塲碑記

福清縣重修城隍廟記

龍神感應記

蒼霞餘草卷之一

福清葉向高進卿甫著

中丞二太南公平紅夷碑

閩故無紅夷其有紅夷自萬曆末年始名曰求市
實懷叵測然諭之卽去至 今上登極之初乃人
粵與灣夷閩不勝遂入閩城澎湖據焉其國名和
蘭其地去中華數萬里其人皆深目高鼻髭髮皆
紅故稱紅夷其所乘舟高大如山板厚三尺不畏
風濤巨銃長丈餘一發可二十里當者糜碎海上
舟師逢之皆辟易莫敢與鬪其會長曰高文律或

以爲其國官名遣譯者來言予我市如濠鏡灣不
且騷而疆中丞曾稽商公檄將吏飭兵爲備大帥
徐君一鳴督師與戰于銅山中左所頗有斬獲巡
海使者高公登龍亦拮据防禦商公復諭夷使歸
夷遂俛首聽命願市于咬啣吧未幾商公去復負
約據澎湖如故又驅掠洋商運土石益築城挾我
夷舟來者愈多人情皇皇朝議以渭南南公建中
永節撫閩閩人或言戰或言市相持未決南公獨
決策夷無道闌入我封內不驅之爲患滋大今東
西未靖夷復逞志何以威不軌遂與將吏約必勦

夷毋使逋于我土不穀願以身先諸將徇閩有違
令者法無赦屬直指介休喬公至與公合策請于
朝報可又察舊帥俞咨臯夙負才略且家世名將
習海上事請授以副帥重其任于是將吏咸奮諸
樓船火器戈鋌之類莫不具飭而大帥謝君弘儀
亦馳至與分守朱君一馮協力爲公助公誦知海
上奸民多爲夷耳目以我情輸夷又餽之食下令
嚴譏防犯者必誅其最黠者爲洪燦仔池貴以夷
書至併獻明珠珊瑚番鏡夷烏諸珍玩公集夷衆
之被擒者于演武場焚其物誅燦仔等夷皆震懼

有悔禍心時公所檄樓船水犀兵大集隨躬至海上督師與大帥計鉤致夷舟二焚其一其一亦半燬生擒高文律俘斬六十餘夷之精銳且盡然猶遁據島中副將軍請濟師公部署諸將指授機宜復浮海至金門乘小艇出沒波浪中人皆爲公懼而公恬如也下令副將軍汝亟渡彭母縱寇以遊擊將軍劉應寵佐之裨將王夢熊等汝以偏師從不殄夷不得歸諸軍遂畢渡大帥統馬用竹園實土爲城一夕而畢夷來戰者皆敗衄奔據銃城時新會牛來文律自其國駕三巨艦來倭夷百餘助